

# Datganiad o Fwriad ar gyfer ECO4

**datganiad o fwriad cymhwysedd hyblyg eco4 Cyngor Bwrdeistref Sirol Caerffili**  
**Enw'r Awdurdod Lleol: Cyngor Bwrdeistref Sirol Caerffili**

**Dyddiad Cyhoeddi: 18/05/2023**

**Rhif y fersiwn: F.1**

**Cyhoeddi ar y wefan: [www.caerffili.gov.uk](http://www.caerffili.gov.uk)**

Mae'r datganiad hwn yn amlinellu Meini prawf cymhwysedd hyblyg Cyngor Bwrdeistref Sirol Caerffili ar gyfer cynllun Rhwymedigaeth Cwmni Ynni (ECO4) o fis Ebrill 2022 - Mawrth 2026.

Bydd cynllun ECO4 yn canolbwyntio ar roi cymorth i aelwydydd incwm isel ac agored i niwed. Bydd y cynllun yn gwella'r cartrefi lleiaf ynni-effeithlon ac yn helpu i gyflawni ymrwymadau tloidi tanwydd a sero net Llywodraeth y DU.

"ECO4 Hyblyg" yw enw dull hyblyg Awdurdodau Lleol o adnabod aelwydydd tlawd yn nhermau tanwydd ac aelwydydd sy'n agored i niwed, fyddai'n cael budd o fesurau arbed gwres ac ynni.

Mae'r Cyngor yn croesawu llwybrau cymhwysedd ECO4 Hyblyg gan eu bod yn helpu'r Cyngor gyda'i gynlluniau i wella cartrefi'r rhai sydd mewn tloidi tanwydd neu mewn perygl oherwydd yr oerfel.

Mae'r Cyngor yn cyhoeddi'r Datganiad o Fwriad hwn (DoF), ar y 18/05/2023 i gadarnhau y bydd pob un o'r cartrefi a gaiff eu datgan yn ateb gofynion o leiaf un o'r pedwar llwybr sydd ar gael isod:

**Llwybr 1:**Tai Bandiau D-G y Weithdrefn Asesu Safonol lle mae'r perchennog yn byw yn yr eiddo a Thai E-G yn y sector rhent preifat sydd ag incwm llai na £31,000. Nid yw maint, cyfansoddiad na rhanbarth yr eiddo yn effeithio ar y cap.

**Llwybr 2:**Tai Bandiau E-G y Weithdrefn Asesu Safonol lle mae'r perchennog yn byw yn yr eiddo ac aelwydydd y sector rhent preifat sy'n bodloni cyfuniad o'r is-feini prawf canlynol:

<p><b>Is-faen prawf 1)</b> Cartrefi yn Lloegr mewn Ardal Allbwn Uwch haen is 1-3 (LSOA);<sup>1</sup>neu gartrefi mewn LSOA 1-3 ar Fynegai Cymru Amddifadedd Lluosog 2019;<sup>2</sup>, neu'r Mynegai Amddifadedd Lluosog ar gyfer 2020 a gyhoeddwyd gan Lywodraeth yr Alban<sup>3</sup></p>
<p><b>Is-faen prawf 2)</b> Deiliaid tai sy'n cael gostyngiad yn y Dreth Gyngor (ar sail incwm isel yn unig).</p>
<p><b>Is-faen prawf 3)</b> Deiliaid tai mewn perygl o fyw mewn cartref oer fel y nodwyd yng Nghanllawiau'r Sefydliad Cenedlaethol dros Ragoriaeth mewn Iechyd a Gofal (NICE). Dim ond un o'r rhestr y gellir ei ddefnyddio, ac eithrir yr is-faen prawf 'incwm isel'.</p>
<p><b>Is-faen prawf 4)</b> Deiliad tŷ sy'n cael prydau ysgol am ddim oherwydd incwm isel.</p>
<p><b>Is-faen prawf 5)</b> Deiliad tŷ sy'n cael cymorth drwy gynllun ALI i roi cymorth i aelwydydd incwm isel ac agored i niwed at ddibenion Canllaw NICE, a hynny'n glir yn yr enw a'r disgrifiad.</p>
<p><b>Is-faen prawf 6)</b> Aelwyd wedi'i gyfeirio at yr Awdurdod Lleol gan y cyflenwr ynni neu Gyngor ar Bopeth neu Gyngor ar Bopeth yr Alban, oherwydd eu bod yn cael trafferth talu eu biliau trydan a nwy.</p>

\*Sylwch na ellir defnyddio is-feini prawf 1 a 3 gyda'i gilydd.

\*\* Na chymysgwch hyn â pholisïau Llywodraeth Cymru i gynnig prydau ysgol am ddim i bob plentyn ysgol

**Llwybr 3:** Mae'r llwybr yn berthnasol i dai bandiau D-G SAP lle mae'r perchennog yn byw yn yr eiddo, neu dai bandiau E-G yn achos y sector rhent preifat. I ddilyn y llwybr hwn, rhaid bod yr eiddo wedi'i nodi'n agored i niwed gan berson cofrestredig ar y Gofrestr Meddygon Teulu, Bwrdd Iechyd yng Nghymru, Ymddiriedolaeth Sefydledig GIG, neu Ymddiriedolaeth GIG. Rhaid hefyd iddyn nhw nodi y gallai cyflwr iechyd rhywun waethygu oherwydd oerfel yn y cartref. Gall y cyflyrau iechyd hyn fod yn gardiofasgwlaidd, yn anadlol, yn imiwnoataliedig, neu'n gysylltiedig â symudedd cyfyngedig.

**Llwybr 4:** Tai bandiau D-G y Weithdrefn Asesu Safonol lle mae'r perchennog yn byw ynddo, a thai E-G yn achos eiddo rhent preifat, sy'n cael atgyfeiriad dan Llwybr 4: Targedu Pwrpasol. Gall cyflenwyr ac ALLau gyflwyno cais i'r adran Diogelwch Ynni a Sero Net os ydyn nhw wedi adnabod aelwyd incwm isel ac agored i niwed heb gymhwysedd i ddilyn y llwybrau eraill.

1

[https://assets.publishing.service.gov.uk/government/uploads/system/uploads/attachment\\_data/file/835115/IoD2019\\_Statistical\\_Release.pdf](https://assets.publishing.service.gov.uk/government/uploads/system/uploads/attachment_data/file/835115/IoD2019_Statistical_Release.pdf)

<sup>2</sup> <https://www.llyw.cymru/mynegai-amddifadedd-lluosog-cymru-diweddariad-llawn-ir-mynegai-gyda-graddfeydd-2019>

## Datganiad a chadarnhad gwirio tystiolaeth

Dylai pob aelwyd a allai fod yn gymwys wneud cais drwy Gyngor Bwrdeistref Sirol Caerffili neu un o'u gosodwyr Rhwymedigaeth Cwmni Ynni cymeradwy i sicrhau y gall naill ai elwa o'r cynllun neu gael ei hasesu i weld a yw'n gymwys dan unrhyw raglen berthnasol arall.

Bydd y swyddog isod yn gyfrifol am wirio a dilysu datganiadau a'r dystiolaeth gysylltiedig a gyflwynir ar ran yr awdurdod lleol:

Enw: Mark Singleton  
Teitl y Swydd: Swyddog Cydymffurfiaeth Effeithlonrwydd Ynni

Enw: Rhian Evans-Mclean  
Teitl y Swydd : Prif Swyddog Tai

Enw: Karl Rivers  
Teitl y Swydd: Swyddog Iechyd yr Amgylchedd Lleol

Enw: Oliver Denton  
Teitl y Swydd: Swyddog Iechyd yr Amgylchedd Lleol

Enw: Richard Phelps  
Teitl y Swydd: Swyddog Iechyd yr Amgylchedd Lleol

Ffôn: 01443 811378

E-bost: [privatesectorhousing@caerphilly.gov.uk](mailto:privatesectorhousing@caerphilly.gov.uk)

## Llofnod gorfodol y Prif Swyddog Gweithredol neu'r person cyfrifol penodedig

Bydd Cyngor Bwrdeistref Sirol Caerffili yn gweinyddu'r cynllun yn ôl Gorchymyn Trydan a Nwy (Rhwymedigaeth Cwmni Ynni) 2022 (Gorchymyn ECO4) a bydd yn nodi aelwydydd cymwys trwy broses gwneud cais Ofgem. Bydd Prif Swyddog Gweithredol y Cyngor yn goruchwyllo'r broses o nodi aelwydydd cymwys dan ECO Hyblyg.

Bydd y wybodaeth am gymhwysedd yn cael ei storio'n ddiogel yn unol â pholisi diogelu data'r Cyngor, Cod Rhannu Data Swyddfa'r Comisiynydd Gwybodaeth, a chanllawiau Diogelwch Ynni a Sero Net.



**Llofnod:**  
**Enw:** Nick Taylor-Williams  
**Teitl y Swydd:** Prif Swyddog Gweithredol/ person cyfrifol penodedig  
**Dyddiad y llofnod:** 18/05/2023

Am unrhyw ymholiadau cyffredinol sy'n ymwneud â'r DoF hwn, cysylltwch â [privatesectorhousing@caerphilly.gov.uk](mailto:privatesectorhousing@caerphilly.gov.uk)